



REPUBLIKA E SHQIPËRISË
AUTORITETI I KONKURENCËS
KOMISIONI I KONKURENCËS

Nr. 23/ prot.
176

Tiranë, më 27.12 .2024

VENDIM

Nr. 1144, Datë 27.12 .2024

“PËR MBYLLJEN E PROCEDURËS SË HETIMIT TË THELLUAR NË TREGUN E OFRIMIT DHE AKSESIT TË SHËRBIMIT TË INTERNETIT NDAJ NDËRMARRJEVE TË ADMINISTRIMIT DHE NDËRMARRJEVE TË INTERNETIT NË REZIDENCAT E BANIMIT KU KËTO NDËRMARRJE USHTROJNË VEPRIMTARINË DHE DHËNIEN E KUSHTEVE DHE DETYRIMEVE PËR NDËRMARRJEN ACREM SHPK”

Komisioni i Konkurrencës me pjesëmarrjen e:

Z.	Denar BIBA	Kryetar
Znj.	Leida MATJA	Zv/Kryetar
Znj.	Rezana KONOMI	Anëtar
Z.	Durim KRAJA	Anëtar
Znj.	Fatjola DELIJA	Anëtar

Në mbledhjen e tij të datës 27.12 .2024, shqyrtoi çështjen me:

Objekt: Për mbylljen e procedurës së hetimit të thelluar në tregun e ofrimit dhe aksesit të shërbimit të internetit ndaj ndërmarrjeve të administrimit dhe ndërmarrjeve të internetit në rezidencat e banimit ku këto ndërmarrje ushtrojnë veprimtarinë dhe dhënien e kushteve dhe detyrimeve për ndërmarrjen Acrem SHPK.

Bazë ligjore: Neni 9, neni 24, germa (d), neni 26, neni 43, pika 5, neni 45, pika 1 të Ligjit nr. 9121, datë 28.07.2003 “Për mbrojtjen e konkurrencës”.

Komisioni i Konkurrencës pas shqyrtimit të:

- Raportit të hetimit të thelluar në tregun e ofrimit dhe aksesit të shërbimit të internetit ndaj ndërmarrjeve të administrimit dhe ndërmarrjeve të internetit në rezidencat e banimit ku këto ndërmarrje ushtrojnë veprimtarinë”;
- Relacionit të Sekretarit të Përgjithshëm të Autoritetit të Konkurrencës “Mbi raportin të hetimit të thelluar në tregun e ofrimit dhe aksesit të shërbimit të internetit ndaj ndërmarrjeve të administrimit dhe ndërmarrjeve të internetit në rezidencat e banimit ku këto ndërmarrje ushtrojnë veprimtarinë”;
- Seancës dëgjimore të zhvilluar në datën 23.12.2024 me përfaqësues të ndërmarrjes Acrem SHPK;

VËREN SE:

I. Procedura e ndjekur

1. Nisur nga disa ankesa të depozituara pranë Autoritetit të Konkurrencës, mbi problematikat në zgjedhjen e ofrimit të shërbimit të internetit pranë disa komplekseve të pallateve në Tiranë, Sekretariati i Autoritetit të Konkurrencës bazuar në nenin 28, germa (a), të Ligjit nr. 9121, datë 28.07.2003 “Për mbrojtjen e konkurrencës”, filloi monitorimin në tregun e ofrimit të shërbimit të internetit pranë disa komplekseve të pallateve në Tiranë.
2. Nga të dhënat e grumbulluara gjatë periudhës së monitorimit u krijua dyshimi i arsyeshëm se mund të ishim përpara abuzimit me pozitën dominuese nga ndërmarrjet e administrimit në rezidencat e banimit të qarkut të Tiranës në tregun e aksesit të shërbimit të internetit, në kuptim të nenit 9, të Ligjit nr. 9121, datë 28.07.2003 “Për mbrojtjen e konkurrencës”.
3. Për këto arsye, Komisioni i Konkurrencës, bazuar në nenin 4, nenin 8, nenin 9, nenin 24, germa (d), nenin 26 dhe nenin 42, pika 1 të të ligjit nr. 9121, datë 28.07.2003 “Për mbrojtjen e konkurrencës”, vendosi me Vendimin nr. 1025, datë 18.10.2023 për hapjen e procedurës së hetimit paraprak ndaj ndërmarrjeve të administrimit në rezidencat e banimit të qarkut të Tiranës në tregun e aksesit të shërbimit të internetit, për periudhën kohore nga 1 janar 2020 deri në 13 tetor 2023.
4. Gjatë procedurës së hetimit paraprak dhe në përfundim të analizës së sjelljes së ndërmarrjeve të administrimit, u konfirmua edhe më tej se në kuptim të nenit 9 të Ligjit nr. 9121, datë 28.07.2003 “Për mbrojtjen e konkurrencës”, sjellja e ndërmarrjeve të administrimit mund të përbënte abuzim me pozitën dominuese kryesisht nëpërmjet: refuzimit të aksesit të ndërmarrjeve të tjera që ofrojnë këtë shërbim; zbatimit të kushteve të pabarabarta për veprime tregtare të njëjta me palët dhe duke krijuar kushtet e favorshme për krijimin e pozitës dominuese të ndërmarrjeve të internetit brenda rezidencës që ata administrojnë.
5. Nisur nga analiza e bërë nga Sekretariati gjatë fazës së hetimit paraprak, Komisioni i Konkurrencës, bazuar në nenin 4, nenin 9, nenin 24, shkronja (d), nenin 26 dhe nenin 43, pika 1 të Ligjit nr. 9121, datë 28.07.2003 “Për mbrojtjen e konkurrencës”, u shpreh me Vendimin nr. 1078, datë 10.05.2024 “Për hapjen e procedurës së hetimit të thelluar në tregun e ofrimit dhe aksesit të shërbimit të internetit ndaj ndërmarrjeve të administrimit dhe ndërmarrjeve të internetit në rezidencat e banimit ku këto ndërmarrje ushtrojnë veprimtarinë”, për periudhën kohore nga 1 janar 2020 deri në 10 maj 2024.
6. Në zbatim të këtij vendimit, për mbledhjen e fakteve dhe të dhënave të nevojshme në lidhje me hetimin, bazuar në nenin 33 të Ligjit nr. 9121/2003, u kërkuan të dhëna dhe informacion nga ndërmarrjet e administrimit dhe nga ndërmarrjet që ofrojnë shërbimin e internetit.

II. Analiza e konkurrencës

II.1 Tregu përkatës

7. Në zbatim të Ligjit nr. 9121, datë 28.07.2003 “Për mbrojtjen e konkurrencës”, tregu përkatës përfshin tregun e produktit dhe tregun gjeografik.

8. Bazuar në Vendimin e Komisionit të Konkurrencës nr. 1078, datë 10.05.2024 “Për hapjen e procedurës së hetimit të thelluar në tregun e ofrimit dhe aksesit të shërbimit të internetit ndaj ndërmarrjeve të administrimit dhe ndërmarrjeve të internetit në rezidencat e banimit që këto ndërmarrje ushtrojnë veprimtarinë” për ndërmarrjen e administrimit tregu përkatës i produktit përfshin, tregun e aksesit të shërbimit të internetit në rezidencat e banimit që ndërmarrjet kanë në administrim.
9. Në rezidencat e banimit në Tiranë, ndërmarrjet e administrimit menaxhojnë pikën e aksesit në infrastrukturën e shërbimit të internetit. Si të tilla, këto ndërmarrje bëjnë lidhjet me kompanitë e ofrimit të shërbimit të internetit dhe banorëve të cilët duan të përfitojnë këtë shërbim. Në të tilla kushte, ndërmarrjet e administrimit kanë ndikim në tregun e ofrimit të shërbimit të internetit, si dhënë të aksesit në infrastrukturë, në rezidencat ku ata operojnë. Pra, bazuar në këto fakte, tregu përkatës përfshin tregun e aksesit të shërbimit të internetit në rezidencat e banimit që ndërmarrja Acrem SHPK ka në administrim.
10. Ndërmarrjet që administrojnë rezidencat e banimit në qarkun e Tiranës e ushtrojnë veprimtarinë e tyre vetëm brenda rezidencës që ato administrojnë dhe përgjegjësitë dhe detyrimet e tyre nuk kanë fuqi jashtë territorit të sipërfaqes së përbashkët që ata administrojnë.
11. Për sa më sipër, tregu përkatës gjeografik për ndërmarrjen Acrem SHPK, është territori i rezidencave të banimit që kjo ndërmarrje ka në administrim:
 - Komplexin rezidencial _____ i ndodhur në _____
 - Rezidencën _____ e ndodhur në _____

III. Vlerësimi i Pozitës Dominuese

12. Në bazë të nenit 3, pika 5 të Ligjit nr. 9121/2003, “Pozitë dominuese” është ajo fuqi ekonomike e mbajtur nga një ose më shumë ndërmarrje, që i jep atyre mundësinë për të penguar konkurrencën efektive në treg, duke i bërë ato të afta të veprojnë, për sa i takon ofertës ose kërkesës, në mënyrë të pavarur nga pjesëmarrësit e tjerë në treg, si konkurrentët, klientët ose konsumatorët.”
13. Sipas ligjit, pasja e një pozite dominuese nga një ndërmarrje në treg nuk është e ndaluar, por zotërimi i pozitës dominuese i jep ndërmarrjes një detyrim të veçantë për të mos abuzuar me këtë pozitë dominuese që zotëron dhe të mos kryejë sjellje të ndaluara në treg, veçanërisht nga ato të përcaktuara në nenin 9, pika 2 të Ligjit nr. 9121/2003.
14. Për të përcaktuar pjesët e tregut të ndërmarrjeve që administrojnë rezidencat e banimit në qarkun e Tiranës, është kërkuar informacion nga Drejtoria e Përgjithshme e Tatimeve, ku të ishte përcaktuar xhiro dhe fitimi për secilën ndërmarrje administrimi që vepron në qarkun e Tiranës. Në informacionin e depozituar nga DPT, për një pjesë të madhe të ndërmarrjeve mungonin të dhënat përsa i përket xhiros dhe fitimit dhe për këtë arsye, është e pamundur që të llogariten pjesët e tregut për secilën ndërmarrjen administrimi në rezidencat e banimit të qarkut të Tiranës në tregun e aksesit të shërbimit të internetit.
15. Ndërmarrjet që administrojnë rezidencat e banimit në qarkun e Tiranës e ushtrojnë veprimtarinë e tyre vetëm brenda rezidencës që ato administrojnë dhe përgjegjësitë dhe detyrimet e tyre nuk kanë

fuqi jashtë territorit të sipërfaqes së përbashkët të administruar prej tyre. Në bazë të nenit 19 të Ligjit nr. 10 112, datë 9.4.2009 “Për administrimin e bashkëpronësisë në ndërtesat e banimit”, Kryesia, në emër dhe për llogari të Asamblesë, lidh kontratë me një shoqëri administrimi duke i dhënë kësaj të fundit të drejtën ekskluzive për administrimin e bashkëpronësisë.

16. Pjesë e objekteve në bashkëpronësi të ndërtesave konsiderohet dhe pika e aksesit në godinë sipas pikës 18 të VKM-së nr. 189, datë 30.03.2022 “Për përcaktimin e rregullave për infrastrukturën e brendshme për rrjetet e komunikimeve elektronike me shpejtësi të lartë dhe administrimin e pikës së aksesit në godina”, e cila përcakton gjithashtu, në pikën 32 të saj, se administrimi i pikës së aksesit në godinë bëhet pikërisht nga administrator i godinës, sipas dispozitave të legjislacionit në fuqi për administrimin e bashkëpronësisë në ndërtesat e banimit dhe në përputhje me nenin 21, të Ligjit nr. 120/2016.
17. Për sa më sipër, ndërmarrja Acrem SHPK, duke qenë administratore e vetme në të gjitha rezidencat/godinat të cilat ajo administron, zotëron 100% të pjesëve të tregut përkatës dhe si rrjedhojë vlerësohet me pozitë dominuese në tregun e aksesit të shërbimit të internetit brenda kufijve të rezidencave që ata administrojnë.
18. Nisur nga pjesa e tregut, pengesat e hyrjes në treg, fuqia ekonomike dhe financiare e ndërmarrjeve, fuqia kundërvepruese e konsumatorëve dhe blerësve dhe karakteristikat e tjera të tregut, rezulton se në mbështetje të nenit 3, pika 5 dhe nenit 8 të ligjit nr. 9121, datë 28.07.2003 “Për mbrojtjen e konkurrencës”, ndërmarrja Acrem SHPK në tregun e aksesit të shërbimit të internetit ka pozitë dominuese.

IV. Analiza e sjelljes së ndërmarrjeve në tregun përkatës

19. Vlerësimi i sjelljes së ndërmarrjeve të administrimit në rezidencat e banimit të qarkut të Tiranës në tregun e aksesit të shërbimit të internetit, për periudhën kohore nga 1 janar 2020 deri në 10 maj 2024, është realizuar në vijim të kërkesës për informacion drejtuar ndërmarrjeve të administrimit dhe ndërmarrjeve që ofrojnë shërbimin e internetit.
20. Ndërmarrja Acrem SHPK me anë të e-mailit protokolluar pranë Autoritetit të Konkurrencës me nr. 23/75 prot., datë 11.06.2024, shprehet se administron objekte banimi në qarkun e Tiranës ku ofrojnë shërbim interneti ndërmarrjet si më poshtë:
 - Kompleksin
 - Rezenca
21. Nga të dhënat e administruara nga ndërmarrja Acrem SHPK vihet se në kompleksin rezidencial , operatorët që kanë ofruar shërbimin e internetit nga viti 2020 deri më 10 maj 2024 janë:
,
22. Në vitin 2020 operatorët aktivë në kompleksin dhe kanë qenë

23. Në vitin 2021 operatorët aktivë në kompleksin _____ dhe _____ kanë qënë _____
24. Në vitin 2022 operatorët aktivë në kompleksin _____ kanë qënë _____
25. Deri në 10 maj 2024 operatorët aktivë në kompleksin _____ kanë qënë _____ dhe në 1 janar 2024 janë shtuar edhe dy abonent të rinj të ofrimit të shërbimit të internetit _____, që ka zëvendësuar _____ pas vitit 2023 edhe _____ që është hyrës i ri në treg.
26. Ndërmarrja ka vënë në dispozicion të gjitha kontratat e disponueshme për kompleksin _____ nga viti 2020 deri më 10 maj 2024. Ndërsa, përsa i përket rezidencës _____, ndërmarrja bën me dije se, në këtë objekt nuk janë aplikuar kontrata për asnjë nga operatorët.
27. Kontratat e lidhura ndërmjet shoqërisë së administrimit dhe ndërmarrjeve të ofrimit të shërbimit të internetit janë standarde dhe aplikojnë të njëjtat kushte për secilin operator. Kontratat janë 1 vjeçare dhe aplikojnë një tarifë prej _____ lekë (pa TVSH) në muaj, për secilin operator, për përdorimin e plotë të strukturës së brendshme të kompleksit rezidencial, si edhe për instalimin e kabllave optikë dhe montimin e kasetës terminuese. Sipas kontratës midis palëve, përgjegjësit për mirëmbajtjen e rrjetit në objektin në të cilin ofrohet shërbimi janë vetë operatorët e shërbimit të internetit.
28. Në këtë kontratë bashkëpunimi për shfrytëzimin e infrastrukturës së telekomunikacionit në kompleksin _____, "ACREM" si ndërmarrje administruese e Kompleksit _____, lejon operatorët të vendosin MSAN-in dhe instalimin e rrjetit të tyre, kundrejt pagesës mujore të lartpërmendur. Megjithatë në këto kontrata vihet re se *neni 5, pika 5.6 "Të drejtat dhe detyrimet e qiradhënësit"* (kjo është një pikë që ka ndryshuar me kalimin e viteve si pjesë përbërëse e kontratës në nenin 5, pika 5.2.c për kontratat e vitit 2024), është një dispozitë e *cila kufizon të drejtën e aksesit për ofrimin e shërbimit të internetit* si dhe shfaqet në kundërshtim me nenin 9, pika 2, germa ç) e Ligjit nr. 9121/2003 "Për mbrojtjen e konkurrencës, duke parashikuar se: *"ACREM ka të drejtë, pa njoftim paraprak të pezullojë gëzimin e të drejtave sipas kësaj Kontrate nga ana e Qiramarrësit, duke përfshirë, por pa u kufizuar në ndalimin e aksesit të personelit të Operatorit të Internetit në brendësi të ambienteve të Rezidencës, në rast se Qiramarrësi nuk përmbush detyrimin për pagesën e ndonjë fature për detyrim qiraje ose kamatëvonesave brenda afateve të parashikuara në këtë Kontratë."*
29. Rezidenca _____ ka një numër total prej _____ apartamentesh. Nga të dhënat e administruara nga ndërmarrja Acrem SHPK vihet re se në rezidencën _____, operatorët që kanë ofruar shërbimin e internetit nga viti 2020 janë: _____ dhe _____ Në vitin 2020 operatorët aktivë në rezidencë kanë qënë _____ dhe _____
30. Në vitin 2021 operatorët aktivë në rezidencën _____ kanë qënë _____

- dhe
31. Në vitin 2022 operatorët aktivë në rezidencën kanë qënë dhe
32. Në vitin 2023 operatorët aktivë në rezidencën kanë qënë dhe
33. Në lidhje me informacionin e kërkuar nga ndërmarrjet të cilat ofrojnë shërbimin e internetit në rezidencat e banimit në qarkun e Tiranës, për rezidencat që administrojnë ndërmarrja Acrem SHPK, përkatësisht për dhe janë shprehur si më poshtë:
34. Ndërmarrja sqaron se përsa i përket rezidencës, ndërmarrja bën me dije se ka vetëm klientë, ndërsa në kompleksin nuk ka klientë.
35. Ndërmarrja sqaron se përsa i përket rezidencës, ndërmarrja nuk paguan asnjë tarifë mirëmbajtjeje apo instalimi për këtë rezidencë. ka vetëm klientë me shërbimin e fibrës optike në rezidencën për vitin 2023, ndërsa për vitet e tjera pjesë të periudhës hetimore, ndërmarrja nuk ka patur klientë në këtë rezidencë. ka kontratë bashkëpunimi për shfrytëzimin e infrastrukturës së telekomunikacionit në kompleksin rezidencial, si kompani administruese e kompleksit rezidencial, ka lejuar të vendosë MSAN-it dhe instalimin e rrjetit të vetë, kundrejt një pagese mujore lekë/muaj(me TVSH), siç është e parashikuar në kontratë. Në këtë kompleks rezidencial, në vitin 2020 ka patur klientë me shërbim kabllor, në vitin 2021 dhe 2022 ka patur klientë me shërbim kabllor dhe në vitin 2023 ka patur klientë me shërbim kabllor dhe klientë me shërbim fibër optike.
36. Ndërmarrja deklaron se në rezidencën ka klientë, ndërsa në kompleksin rezidencial ndërmarrja ka vetëm klientë, për shërbimin e internetit. Këto shifra janë të vitit 2024, pra pasqyrojnë abonentët aktualë që ka ndërmarrja për shërbimin e internetit.
37. Ndërmarrja sqaron se nuk ofron shërbim për klientët fundorë dhe nuk ka patur kontakt me ndërmarrjet e administrimit.
38. Ndërmarrja tregon se nuk ka klientë në kompleksin, po ashtu edhe në rezidencën. Gjithashtu, ndërmarrja pohon se nuk ka patur vështirësi në lidhjen e kontratave si edhe nuk paguajnë tarifa për instalimin e shërbimeve tek zyrat e administrimit. Gjithashtu, kompania sqaron se nuk ka kontrata me zyrat e administrimit të pallateve apo komplekseve por vetëm me personat privatë ose kompanitë të cilët kërkojnë shërbimin e tyre.
39. Ndërmarrja deklaron se në rezidencën në vitin 2020 ka patur klientë, në vitin 2021 patur klient, në vitin 2022 ka patur vetëm klient dhe në vitin 2023 ka patur klientë. Ndërsa në kompleksin rezidencial ndërmarrja në vitin 2020 ka patur klientë, në vitin 2021 ka patur klientë, në vitin 2022 ka patur klientë dhe në vitin 2023 ka patur klientë. sqaron se në kompleksin rezidencial

kanë kontratë aksesi me shoqërinë ACREM, ndërsa në atë lidhjet i bëjnë pa paguar për përdorimin e infrastrukturës.

nuk kanë një të tillë, por

40. Ndërmarrja Selcom SHPK nuk ka asnjë klient në kompleksin rezidencial “Rolling Hills” dhe në rezidencën
41. Ndërmarrja deklaron se në rezidencën në vitin 2022 ka patur . . . klientë, të cilët kanë lidhur shërbimin e internetit në mënyrë kabllore, ndërsa në vitin 2023 ka patur gjithsej . . . klientë, prej të cilëve marrin shërbimin e internetit me fibër optike dhe . . . të tjerë në mënyrë kabllore. Përsa i përket kompleksit rezidencial . . . , ndërmarrja . . . tregon se në vitin 2022 ka patur . . . klientë, prej të cilëve kanë lidhur shërbimin e internetit në formë kabllore dhe . . . të tjerë me fibër optike. Ndërsa, në vitin 2023, në këtë kompleks rezidencial, ndërmarrja . . . ka patur . . . klientë, prej të cilëve kanë lidhur shërbimin e internetit me fibër optike dhe . . . të tjerë në mënyrë kabllore.
42. Ndërmarrja deklaron se në rezidencën në vitin 2020 ka patur . . . klientë, në vitin 2021 ka patur . . . klientë, në vitin 2022 ka patur . . . klientë dhe në vitin 2023 ka patur . . . klientë. Ndërsa në kompleksin . . . ndërmarrja në vitin 2020 ka patur . . . klientë, në vitin 2021 ka patur . . . klientë, në vitin 2022 ka patur . . . klientë dhe në vitin 2023 ka patur . . . klientë. . . sqaron se në kompleksin . . . kanë patur gjithmonë një kontratë aksesi me ndërmarrjen Acrem dhe janë në pritje të rinovimit të saj për vitin 2024, ndërsa në atë . . . nuk kanë kontrata, por lidhjet i bëjnë pa paguar për përdorimin e infrastrukturës.
43. Nga të dhënat e administruara nga ndërmarrja e administrimit Acrem SHPK si edhe nga operatorët e ofrimit të shërbimit të internetit në rezidencën vihet re se nuk ka problematika në ofrimin e këtij shërbimi. Në rezidencën tregu është i hapur për të gjithë operatorët e ofrimit të shërbimit të internetit dhe shoqëria e administrimit nuk aplikon asnjë tarifë për shfrytëzimin e infrastrukturës së rezidencës. Ndërmarrjet e ofrimit të shërbimit të internetit nuk kanë shfaqur asnjë ankesë për rezidencën

PËR KËTO ARSYE:

Komisioni i Konkurrencës, bazuar në nenin 9, nenin 24, germa (d), nenin 26, nenin 43, pika 5, nenin 45, pika 1, të Ligjit nr. 9121, datë 28.07.2003 “Për mbrojtjen e konkurrencës”.

VENDOSI:

- I. Mbylljen e procedurës së hetimit të thelluar ndaj ndërmarrjes Acrem SHPK në tregun e ofrimit dhe aksesit të shërbimit të internetit ndaj ndërmarrjeve të administrimit dhe ndërmarrjeve të internetit në rezidencat e banimit që këto ndërmarrje ushtrojnë veprimtarinë.
- II. Detyrimin e ndërmarrjes Acrem SHPK që brenda 90 ditëve të rishikojë nenin 5, pika 5.6 “Të drejtat dhe detyrimet e qiradhënësit” në kontratat e bashkëpunimit e lidhura për shfrytëzimin e infrastrukturës së telekomunikacionit në si një dispozitë e cila të mos kufizojë të drejtën e aksesit për ofrimin e shërbimit të internetit si dhe mos të jetë në kundërshtim


me nenin 9, pika 2, germa (ç) të Ligjit nr. 9121/2003.

- III. Detyrimin e ndërmarrjes Acrem SHPK për të mos abuzuar me pozitën dominuese, veçanërisht:
- a) vendosjen, në mënyrë të drejtpërdrejtë ose të tërthortë, e çmimeve të padrejta të blerjes ose shitjes apo e kushteve të tjera të padrejta të tregtimit;
 - b) kufizimin e prodhimit, tregjeve ose zhvillimit teknik;
 - c) zbatimin e kushteve të pabarabarta për veprime tregtare të njëjta me palët, duke i vendosur ato në gjendje të pafavorshme konkurrence;
 - d) vendosjen e kushteve për lidhjen e kontratave me palët e tjera, që këto të fundit të pranojnë detyrime shtesë, të cilat, për vetë natyrën e tyre ose sipas praktikave tregtare, nuk kanë lidhje me objektin e kontratave në fjalë.
- IV. Monitorimin e sjelljes së ndërmarrjes Acrem SHPK në tregun e aksesit të shërbimit të internetit në rezidencat e banimit që ndërmarrjet kanë në administrim, për një periudhë 1 vjeçare.
- V. Në rast të mos përmbushjes së kushteve dhe detyrimeve të përcaktuara në dispozitivin e këtij vendimi, ndërmarrja Acrem SHPK, në zbatim të nenit 74, pika 1, germa (c) të Ligjit nr. 9121/2003, ndëshkohen me gjobë deri në 10 % të xhiros vjetore për shkelje të rëndë të konkurrencës.
- VI. Ngarkohet Sekretari i Përgjithshëm për zbatimin e këtij vendimi.

Ky vendim hyn në fuqi menjëherë.

KOMISIONI I KONKURRENCËS

Lejda MATJA




Zv/Kryetar

Rezana KONOMI



Anëtar

Durim KRAJA



Anëtar

Fatjola DELIJA



Anëtar

Denar BIBA



Kryetar

